

新纂云南通志

第九
函
十
冊

新纂雲南通志卷一百三十五目錄

學制考五

古代學制五

書院義學二

臨安府

楚雄府

澂江府

廣南府

順寧府

曲靖府

麗江府

新纂雲南通志卷一百三十五

學制考五

古代學制五

平東書院義學正兩一錢六分京平錢四百

文書院臨安府

建水縣

景賢書院

在府學左明嘉靖六年副使戴書建久廢

雍正志

崇文書院

舊名崇正書院在府西城外明嘉靖二年副使王忠建

萬曆八年巡按劉維改作表忠祠丁亥燬於兵清康熙三十九年

知府董宏毅同知鄭功勳同紳士曾齡趙節蕭大成等捐建乾隆

二十二年知府方桂增建書舍改今名臨安府志每年束脩銀一十九兩

一錢六分京斗穀四石

陳宏謀義學彙記（臨安府志）知府栗爾璋於應解學租銀內存銀一十六兩進士合揆捐阿迷州甸頭租二石又八屬紳士公捐置田租二百七十九石三升自乾隆

隆三十五年至嘉慶二年歷任知府共捐增租穀一百六石一斗五升以作束脩膏火之費

道光十七年知府鄭紹謙別建書院於城內此院遂無人主講咸

豐七年後傾圮過半光緒四年署知府孫逢源同邑紳高永和何

秉賢王圖選倡捐重修並改講堂為五間及兩廂書舍至書籍租

石今已無存

光緒志

煥文書院

在城東小石橋清康熙五十五年知州陳肇奎建

雍正志每

年束脩銀一十九兩一錢六分京斗穀四石

陳宏謀義學彙記（臨安府志）舊於府學每年撥租銀十九兩一錢縣學撥租米

二石乾隆四十七年知府常德率屬共捐銀六百兩置曲江田租三十七石六斗小發烏田租二十六石西屯團山田租七石八斗為束脩膏火之資（陳宏謀義學彙記）以上二館設田一頃九十畝五分六釐坐落西莊火燄山上馬弓拖泥壩鎮鷄沖新站南

莊大寨龍家寨香林寨梭羅莊丁鈞寨眠羊沖等處除完納條糧外年收京斗穀二百石變價銀三十八兩三錢二分按年造冊報部又雍正三年進士合揆貢生田見龍捐田一分坐落西門外九司橋大河隄邊大小四坵除完納條糧外年收京斗穀八石以上

銀穀分給兩書院永供束脩

咸豐六年燬於兵並知縣楊鏞所置聚珍版祕書四十種

亦成灰燼同治十二年軍務肅清所有租石仍照舊收巡撫岑毓英每年又撥箇舊錫課銀一百餘金加增膏火光緒四年邑紳段思禮王永年蘇保國宗學孔等又清查田租復舊設生員膏火二十分童生膏火十八分權就崇正書院延山長主講

光緒志

崇正書院 在城內東北隅清道光十七年知府鄭紹謙同邑紳前

湖北鹽法道廖敦行倡捐新建規制宏敞移崇文書院田租作膏火並買阿迷州田一份每年由知府經收每年送山長銀一百二十金兵燹後田畝多半湮沒同治十二年知府李衍綬詳准於箇舊錫課外每錫一張抽銀一兩六錢添作府書院及八屬書院膏火之費光緒四年邑紳俱永苞何秉賢段思禮錢正圜劉家祥高永和等清查書院膏火及鄉會試歲科考試卷金田畝復舊設生

員膏火二十分童生膏火十八分

光緒志 按崇正書院即所謂府書院舊志列入建水今仍之而說明其性質

曲江書院 在曲江距城一百餘里清光緒六年知縣章於錦率士

民倡首新建於室岩舊址

知縣章於錦詳准撫寶覺寺租六十石法華寺租五十石寶嚴寺租四十石作束脩膏火之費 光緒志

義學 一在城北一百餘里曲江蛇街晏公廟清雍正七年知州祝

宏設每年束脩京斗穀四十石

雍正七年知州祝宏清出廢龍泉寺常住田三十三畝八分地十四畝九分除完納條糧外年收市斗租穀六十石以四十石仍留寺僧

供奉香火以二十石折京斗穀四十石撥入義學永供束脩

一在城南九十里普雄觀音寺一在城東一百二

十里乍甸毘盧寺一在城西二十里西莊雙廟俱雍正十三年知

州夏治源設立每年束脩京斗穀各三十石

以上三館康熙六年五鄉民人捐田一分收租以為賠丁之費巡撫楊名時撥充義

學束脩及社倉備借之需雍正十年布政使陳宏謀檄知州夏治源清出田一頃四十六畝四分二釐坐落蕭家冲前後一帶除完納條糧外年收京斗穀一百五十石以九石歸入社倉六石撥歸攀枝花義學餘穀九十石分給三館永供束脩 一在

城東南八十里攀枝花文昌關聖廟清乾隆二年知州夏治源教

授夏冕設立每年束脩銀五兩京斗穀二十二石

乾隆二年教授夏冕清出新站學田餘租京斗穀十六石地租

銀五兩知州夏治源詳撥五鄉公田租內京斗穀六石永供束脩

陳宏謀義學彙記

一在南屯乾隆二十八年知州吳元念設撥五

鄉租內京斗穀十二石紳士捐置京斗租穀九石

臨安府志以上各館今廢光緒志

石屏州

州前書院

明知州馮應鼇建今廢石屏州志

五畝書院

張本寨書院 俱明知州蕭廷對建今廢石屏州志

崇正書院

寶山書院 俱久廢石屏州志

秀山書院

在寶秀玉屏山下明知州蕭廷對建清知州龍爲霖重

修今廢

石屏州志每年束脩銀十五兩臨安府志每年束脩京斗穀十四石四斗

陳宏謀義學彙記
學田詳後義學

咸豐九年燬於兵光緒志

龍泉書院

在城北門外明萬曆間知州徐應斗建久廢雍正志清乾隆

十八年知州管學宣重建

臨安府志四十五年署知州呂纘先捐給修脯

石屏州志嘉慶元年知州周理劉大鼎捐修四年地震傾圮十六年知府

王善壇知州張琛高坐李培英訓導周存敬先後重修乾隆十八年知州管學宜捐置田租四石

五斗州人高玉章捐婁家寨田租十石鄭文思捐龍口沖田租三石六斗段鳳書捐曠野大寨田租二石五斗嘉慶元年知府王善壇捐銀一百兩復將貢田撥入書院以作膏火十七年節婦楊饒氏捐租五十石道光志

咸豐九

年燬於兵

光緒志

登龍書院 在明倫堂清康熙四十八年知州胡承禧設乾隆五十

七年知州傅應奎移入尊經閣改名登龍書院道光志每年束脩京斗

穀二十四石三斗陳宏謀義學彙記又道光志州人朱廉捐置舖面一間年收租息銀七兩合州捐置舖面二間年收租息銀十兩學田詳後義學

玉屏書院 在文廟之西邑紳原任陝西布政使司朱履建因基陞

尙隘將節孝祠移建文廟之東以展其基經始於清道光庚戌秋

至咸豐壬子年乃告竣規模閎麗頗便生童肄業

光緒志

義學 一在曠野玉皇閣清雍正九年知州陳如平設立一在龍朋

里關聖廟清康熙六十一年知州劉洪度設立一在五郎溝一在

壩心三光廟俱雍正十三年署州楊于澤捐設每年束脩京斗穀

各十四石四斗陳宏謀義學彙記每年束脩銀各九兩於官莊內開支臨安府志（陳宏謀義學彙記）

以上四館並秀山登龍二書院共六館署州楊于澤清出田二十畝坐落摩古河團山又詳撥歸公官莊內每年餘京斗穀四十四石四斗六升又雍正十二三兩年動支官莊餘穀價銀七十八兩買田十二畝坐落石頭寨菲龍西凸旦等處以上田畝除完

納條糧外年收京斗穀九十六石三斗分給各館永供束脩以上各館義學今仍舊光緒志

阿迷州

靈泉書院 係舊學宮清乾隆三十五年知州邊鏞改爲書院（臨安府志道光志）

註阿迷州採訪一原設租穀八十五石又裁汰練兵添撥夷租一百二十石乾隆四十一年知州趙希堯裁汰經館添撥餘穀二十四石年收租穀二百二十九石永供束脩膏火之費今仍舊光緒志

義學 一在城東門內文昌宮清康熙五十二年知州王文明設立

道光志案阿迷州採訪作康熙二十九年知州王來賓設一在城北三十里布沼文昌宮一在城南四十里

大莊寨文昌宮俱清雍正二年知州元展成設立每年束脩京斗

穀各四十石

以上三館雍正元年知州元展成率紳士捐買田一百六十一畝坐落祿豐鄉除完納條糧外年一收京斗穀一百五十石六斗一升分給三館永供束脩餘穀三十石六斗一升作月課獎賞之資

在城西八十里漾田關聖廟康熙五十二年知州王文明設立每

年束脩京斗穀三十六石

每年撥同原寺京斗穀二十四石又乾隆二年知州李永德撥傍甸鄉額徵夷租年例等穀十二石二共京斗穀三十六石永供束脩

一在

城西八十里麴甸關聖廟雍正十年知州陳權設立每年束脩京

斗穀二十六石

每年撥同原寺京斗穀二十石又乾隆二年知州李永德撥傍甸鄉額徵夷租年例等穀六石二共京斗穀二十六石永供束脩

一在城東一百

二十里打漁寨關聖廟雍正二年知州元展成設立一在城東五

十里馬者哨關聖廟一在城東八十里大堯寨一在城東一百五

十里大架衣觀音寺俱雍正十三年知府石去浮知州陳權設立

一在城東門內朱子祠乾隆元年知州顧維鑄設立以上五館每

年束脩京斗穀各四十石

以上五館乾隆二年知州李永德詳撥傍甸鄉額征夷租年例等穀二百石分給五館永供束脩

陳宏謀義學彙記

以上各

館義學今仍舊

光緒志

寧州

凝陽書院

據華寧縣訪稿作寧陽

清乾隆四十八年署知州周鑑率州人李飛鵬向

玉堂等捐建

撥慈光寺田租市石穀六十三石知府張玉樹捐銀六百兩買歹左則租二十一石婆兮各納臨安府志

咸豐

六年因亂事起先後將田租公共典當以濟軍需同治十一年知

州鄧家榮邑紳劉家達吳桐張紹曾等稟准清查婆兮叛絕田產

並捐殷實之戶共得田租一千四百餘小石歸入書院永作束脩

膏火之費又由蒙自箇舊廠抽撥錫課銀數金添作膏火

光緒志

龍門書院

在城東北九十里青龍街伏虎寺軍興焚燬

光緒志

星湖書院

在城西北五十里星雲湖上清同治初邑人劉有訓金

品奇楊玉柱等四甲同建

光緒志

學源書院

在城西北六十里黑龍潭清同治年間邑人趙有仁陸

英才李楷等十一莊同建

光緒志

案據華寧縣採訪尚有婆西鄉玉溪書院易富鄉海鏡書院虛于鄉龍潭書院惟沿革未詳

義學 一在城西門內文昌宮清雍正十二年知州王敦設立每年

束脩京斗穀二十八石一在城西六十里浪廣方白塔寺一在城北五十里路居鄉寶華寺一在城東五十里馬街北極寺一在城東北六十里蛇街文昌宮一在城南七十里化熙村關聖廟俱雍正十三年知州王敦署州芮時行設立每年束脩京斗穀二十四

石

以上六館州境曲江鄉興隆村原有勸莊一分漸至拋荒前任臨安府黃明兼攝州事招佃墾種成熟後被人侵佔雍正十二年知州王敦清出撥爲義學公產計田七頃五十八畝二分四釐七毫又知州王敦將前項餘租變價銀六十二兩署州芮時

行亦將餘租變價八兩八錢零並捐銀二十四兩零買田一十九畝四分六釐六毫坐落小山地方又州民互爭欺隱無糧田畝經河西縣知事戴允成查出倒馬坎田地一十六畝八分撥入義學免其升科以上田畝除完納條糧外年收京斗穀一百四十八石

九斗七升零分給各館永供束脩餘穀九斗七升作月課獎賞之資 陳宏謀義學彙記

以上各館義學今仍舊

光緒志

通海縣

秀麓書院

在學宮右清乾隆四十八年知縣陳朝書捐俸率士民

公建

知縣陳朝書以建書院餘銀置平壩租八石金家灣租四石厲家屯租八石九斗楊廣租五石加周普送阿泥方租八石沈廣之送李官莊租三石乾隆五十四年知縣朱觀光具詳本府將舊縣義學田賣價銀五百五十兩別置田畝除還義

學田租外其餘俱歸書院嘉慶八年闔邑紳士積銀二千一百九十九兩買老毛村田一分年收租穀八十一石八斗又買老毛村田四分年收租穀三十二石零又買阿泥方田一分年收租穀十三石零又買黃泥壩田一分年收租穀四石除完納條糧外餘作

每年束脩膏火之資

道光十二年後隨時修補並未燬壞改建

光緒志

義學

一在城內東街民倉廟每年束脩京斗穀三十二石五斗銀

八兩三錢二分一在城南門外文昌宮每年束脩京斗穀三十石

銀八兩三錢一在城西門外西圖村廩生楊春遇建一在城東八

里大新村土主廟一在城西十二里九街子文昌宮三館每年束

脩京斗穀二十七石五斗一在城北八里海屯大福寺一在曲屯

文星閣距城四十里一在路南村關帝廟距城六十里一在城南

五十里漢人屯關聖廟四館每年束脩京斗穀二十五石以上九

館俱清雍正十三年知州丁法設

以上九館雍正三年知縣顧濟美查出原墾荒田二分坐落曲江東山安樂村石頭地又十三年知縣丁法捐貲招墾絕戶荒

田一十五畝三分一釐坐落路家埂黃家營施家灣又查出李馬五馬場報墾餘田八十二畝二分地一頃六十七畝坐落蔣家營白馬廟大梨樹沙溝海亮橋等處免其升科又查出舊縣基地五畝六分七釐坐落南門外無糧又查出城邊四面官地墾田一十

四畝三分一釐地四畝一分一釐無糧又查出開琴報墾餘田一十八畝坐落戴家營免其升科又舊縣空地墾田五畝免其升科又乾隆二年布政使陳宏謀捐買墾田五畝坐落大橋廟後又捐贖絕戶田一分坐落石頭地又乾隆二年裁減學田公件每年餘

存銀八兩三錢二分又開除學田曲屯東山乾寨墾荒條糧每年餘存銀八兩三錢以上田畝除完納條糧外年收京斗穀二百四十五石核減公件開除墾荒條糧共存銀一十六兩六錢二分分給各館永供束脩

以上

各館義學今仍舊

光緒志

河西縣

螺峰書院

在城內學宮旁清康熙三十六年

案縣志作四十年

知縣蔡醕設每

年束脩京斗穀二十八石

陳宏謀義學彙記學田詳後義學

道光元年知縣黃觀雲重修

縣知

蔡醕置田年收京斗租穀二十石合市斗穀四石道光二年置知縣龔正謙將公捐修理學宮餘銀五百兩零買西鄉田一分年收市斗租穀十七石八斗五升又縣民普光登送入田租市斗穀二十四石六斗六升又庠生解法曾送入田租市斗穀二石三斗年

共收市斗租穀四十八石五斗作每年束脩膏火之資

同治三年燬於兵光緒六年邑紳王善倡捐重

建光緒
志

樂育書院 在城西鄉清咸豐六年因亂被焚光緒三年千總李慶

槐倡捐重建

同治四年千總李慶槐捐田七十一工年收市租穀十餘石作館金膏火光緒三年又捐置田一百六十工年收市石租穀三十二石作鄉試卷金 光緒志

義學 一在城東二十五里北闕村文昌宮一在城北軍屯觀音寺

俱清雍正十二年知縣戴允成設立每年束脩京斗穀各二十八

石

以上二館並螺峰書院共三館舊有田二處一坐落西鄉玳瑁一坐落南鄉九街子除完納條糧外年收京斗穀八十四石分給各館永供束脩

一在城西八十里舊沙一

在城西四十里七寨螺峰甸一在城南十里王里寨接管哨冲關

聖廟一在城北十里東城村翠微寺俱清雍正十二年乾隆二年

知縣戴允成先後設立每年束脩京斗米各九石

以上四館知縣戴允成將大河嘴淤出田六十八畝一分六釐

六毫撥入義學條糧捐完年收京斗米三十六石分給各館永供束脩 陳宏謀義學彙記

一在小街子碌碑每年束脩京斗穀二十

八石一在舍郎每年束脩市斗穀四石

河西縣志

以上學館惟翠微寺一

館清咸豐年間燬於兵邑人李向禮郭兆先捐貲重建餘仍舊

光緒志

警義縣

登雲書院

在警義縣

嘉慶三年節婦楊吳氏送入田四十二石以充束脩膏火之費 臨安府志

今廢光緒志

萃秀書院

在城內清同治八年知縣李衍綬率闔邑紳士修建

光緒志

義學

一在城北門內清康熙二十九年知縣吳懋英設立雍正十

年知縣劉公鼎捐修乾隆二年知縣王鐸重修每年束脩京斗穀

三十石一在甸頭鄉距城一百里一在甸尾鄉距城一百四十里

俱乾隆二年知縣王鐸捐設每年束脩京斗穀各二十石

以上三館康熙五十四年知縣

薛祖順撥入公田一分坐落甸中鄉伍莊又雍正十三年知縣劉公鼎捐買田二十五畝坐落矣治卡又乾隆二年知縣王鐸捐貲開田二分一坐落洒布冲田三畝七分一坐落疊母田五畝二分免其升科以上田畝除完納條糧外年收京斗穀七十石分給各

館永供束脩

一在興衣鄉距城一百二十里清雍正十三年知縣劉公鼎

設立署巡檢孫國樑捐建每年束脩京斗穀二十石

乾隆二年知縣王鐸捐田二分一坐落母勸田三畝

二分一坐落塔龍門首田一畝九分七釐除完納條糧外年收京斗穀二十石永供束脩

一在化念鄉關帝廟距城八十里知縣劉

公鼎設立每年束脩京斗穀二十石

雍正十三年紳士孫國能祿以學送入田十畝坐落三家村又乾隆二年續送田一畝坐落三家村學田左首又知

縣王鐸將學田四旁捐費開墾以上田畝除完納條糧外年收京斗穀二十石永供束脩

一在甸中距城一百二十里知縣劉公鼎

設立王鐸捐建每年束脩京斗穀二十石

知縣王鐸查出河位淤田大小七坵坐落甸中東門外免其升科年收京斗穀二十石永供束

脩

一在俄說距城五十里知縣劉公鼎設立每年束脩京斗穀二

十石

知縣王鐸捐費墾田二分一坐落洒布冲頭田五畝一坐落洒布冲尾田三畝俱免其升科又耆民李龍本送田四畝二分坐落老凹冲以上田畝除完納條糧外年收京斗穀二十石永供束脩

以上

各館義學今仍舊

光緒志

蒙自縣

見湖書院

在蒙自縣明隆慶間邑人鹽運使尹廷俊建久廢

雍正志

觀瀾書院

在西關外

臨安府志

清乾隆五十七年知縣李焜修建

道光志

咸豐

六年燬於兵今以考棚權作書院

光緒志